


235-36

1/2

5

#



續文獻通考卷之二百三十五

皇明進士雲間王圻纂輯

四裔考 東南夷 南夷

東南夷

琉球

按琉球在中國之正南偏東漳泉興福四州界內彭湖諸島與之相對亦素不通天氣清明望之隱約若煙若霧不知其幾千里西南北岸皆水至彭湖漸低近琉球則謂之落滌滌者水趨下而不回也凡西岸漁舟到彭湖

已下遇颶風發漂流落滌回者百無一琉球在外夷最
小而險者也其國有大琉球小琉球其俗去髭黥手羽
冠毛衣殺人祭神無禮節好剽掠其產鬪鏤樹硫黃胡
椒熊羆豺狼自福建梅花所開洋順颶利舶七日可至
其國自古不聞中朝隋海師何蠻羽騎尉朱寬訪得虜
其男女五千人元遣人招諭不從國王初姓歡斯名渴
刺堯後嗣王曰尚圓曰尚真曰尚清後分為三曰中山
王曰山南王曰山北王 皇明洪武初三王遣使朝貢
壬子行人楊載使日本歸道琉球遂招之王願內附是

年秋七月遣使貢方物且請封爵

詔賜中山王察度

山南王承察各鍍金銀印時三王爭雄相攻遂 賜詔

諭之并 諭山北王帕尼芝癸亥 賜山北印文綺王

妃姪相寨官各有差壬申中山王遣子姪及其陪臣子

弟入 國學 上喜禮遇獨優 賜閩人三十六姓善

操舟者令往來朝貢自是三王嗣封皆請于 朝每二

年朝貢一次每船一百人多不過百五十人即福建南

臺外置番使館使至館穀遞入京 永樂甲申察度卒

詔封其世子武寧嗣王已而承察卒之嗣弟汪應祖

攝國事 詔賜應祖冠服嗣山南王 景泰元年中山

王尚思達遣人朝貢未幾山南王北為中山所并遂令

三年一貢貢每百五十人察度五傳至尚圓嗣王卒子

尚真嗣王 嘉靖十一年國王尚真卒 朝廷遣左給

事中陳侃行人高澄以太牢祀尚真封其子尚清嗣王

是時清告于侃等曰 天朝詔勅藏金匱者八葉于茲

乞留 詔勅為鎮國之寶許之已而遣其王親寧吉長

史蔡瀚來表謝又請云琉球言 大明一統志中載琉

球有落滌王居壁下聚髑髏非實事杜氏通典集事淵

海羸虫錄星槎勝覽所述亦傳者忘也乞下使館從之

琉球既遣人學於 國學夷習稍變奉 正朔設官職

被服冠裳陳奏章表著作篇什有華風焉以土官為武

職其大夫長史通事官司朝貢定員為文職皆三十六

姓人及學于 國學者為之歲元旦 聖節長至君臣

冠服拜龍亭祝慶 隆慶二年十一月十三日琉球國

中山王世子尚寧差來正議大夫鄭禮等十一員名進

貢 萬曆二十三年四月福建巡撫許孚遠奏二十二

年十二月內據琉球國使于灞通事葉榮吾呈本年八

月二十九日 中國二人身服氅衣蓬頭跣足稱說使
臣指揮史世用承差鄭士元奉差日本偵探遇風沉船
倖免死脫至琉球查無文憑可據視其人品議論疑似
官體隨發舟差灞等四十三人伴送福省上載硫黃八
十觔馬二匹以備明年正貢之用思得琉球雖僻居海
島世奉 天朝正朔每年脩貢稱藩恪守侯度比因天
災流行地之所出不足以供國之所用又為關白擾害
十九年差人要金進貢二十年世子着僧天龍等到日
本送關白二百焦布等物關白要討琉球北山屯兵此

僧不敢違命遂賞銀四百塊每塊重四兩三錢及同倭
使至琉球見世子不允此僧遂自吊死倭使回報關白
乃曰既不肯與北山何故受我銀兩每年加利要銀四
千兩世子不得已陪還二十一年又差僧建羞等到日
本行禮關白將僧留住即差倭使新納伊到琉球要萬
人三年糧食載至朝鮮世子以民困國小錢糧無處二
十二年二月差僧回復關白以賀子為由觀其動靜至
今一月未回不知音信今中山王世子惟脩貢于中
朝耻稱臣于關白年三十歲不敢稱王以世子當國位

魏未隆懇乞奏請加封向荷 皇恩之廣大益堅效順
之微忱又據兵部原差指揮史世用呈稱琉球一國效
順二百餘載累貢不絕必待 冊封方敢稱王屢歲為
關白擾害蓋因地勢聯屬倚山無波濤之險由薩摩開
船四日可到琉球北山延袤三百餘里日本琉球之界
又三日可到隨路有山早行夜宿關白見其路順欺其
國弱所以聲言發船來伐要彼北山屯兵若果據北山
則琉球必為所得而閩廣為其出沒之地盤據騷擾將
無寧歲今中山王世子尚寧年十歲容貌奇偉頗有力

量不肯臣事關白一意向化 天朝其年長為世子不
敢封者因舊時封王官二員隨從五百餘人在彼半年
食費供給最為浩繁又連年為關白所擾國貧民困故
力不能請懇乞 酌處奏 請加封國王 頒賜冠服
愈篤忠貞之念差去員役不必另造海船動費官銀九
千止覓慣過海者數人以商船渡送或與進 貢夷使
帶回豈不便益臣看得琉球遠薄海外自古不通于
中國維我 祖宗威德廣被 朝貢始通請封則自宣
德間其定正使給事中副使行人起于正統間臣嘗讀

續文獻通考
先臣刑部尚書鄭曉吾學編有云海島之夷勤我封
使往來於禮殊為不合書云四夷來王八蠻通道未聞
有報使焉然則領封可乎奚為而不可也陪臣請命
于京師王人致命于海上兩得之矣臣又考嘉靖間
給事陳侃行人高澄之奉使也以壬辰夏五月其行也
以甲午夏四月萬曆初年給事蕭崇業行人謝述之
奉使也以丙子秋九月其行也以己卯夏五月或二年
或三年其難如此而巨艦造作非經年累月則不能及
垂成而定聽猶有如丁丑壞裂復興之事所以難也夫

以海外遠夷特煩朝使近侍諸臣奉命而往長驅
萬里危險之地而况未造船鑿役煩事擾且一使至閩
中更增有司二三年之累及其到彼也以帝臣而臨
島服恤前王而臨後王禮遇隆渥彼固頂戴無地于是
日有廩餼之供旬有問安之禮月有筵宴之設隨從四
五百人淹留三四五月糧食犒賞猶且不貲則琉球之
情亦為甚苦此世子尚寧所以既壯而不敢請封而使
者于灞等之所以陳乞也在朝廷遣使之難既如此
在琉球請封之難又如彼然則先臣鄭曉所謂領封之

說不于今日可議而行之乎况琉球方受日本之侵侮
正切歸戴于 聖朝不為及時封以王號恐無以堅其
效順之志而資捍禦之力乞發 詔書一道 諭令中
山王世子尚寧卽具本來奏 朝廷止遣使臣一員齎
勅至福建省城聽其差官面領或遣慣習海濤武職
一員同彼差官前往致 命庶中國無出使之擾而
朝命已達于遐方夷邦省貢費之煩而封典得承于
上國且使諸臣免規避之情有司免採辦之累其為利
益非淺鮮也伏乞 勅下該部再加查訪如果臣言不

謬乞卽 詔諭琉球世子尚寧亟來 請封遣使如議
則 朝廷體統益尊而夷邦受 賜無量矣 上下其
章于禮部 二十八年二月禮部題琉球進貢謝恩請
封王爵 上曰琉球世子尚寧請封具見恭順但該國
有通國印結及世子特具表文方見敬慎 天朝行與
他知其差官一節陪臣既來敦請着選慣海廉勇武臣
一員同他使臣前往行禮不必採木造船以滋煩擾亦
不許多帶人役騷擾彼國有失 朝廷德意 二十九
年九月禮部題奉 旨尚寧准襲封琉球國中山王遣

續文獻通考卷之九
官既來懇請着舊差文官去

三嶼以後 皇明無述存之以備參考

三嶼

三嶼國近琉球世祖至元三十年欲選人招誘之平章政事伯顏等言此國之民不及二百戶乞不遣使竟從之

新羅

遼太祖九年十月新羅遣使貢方物 天贊四年十一月

新羅國來貢

靺鞨

遼太祖天顯元年二月渤海既平靺鞨來貢

太宗會同元年八月靺鞨來貢

濊貊

遼太祖天顯元年二月渤海既平濊貊來貢

渤海

遼太祖嘗親征渤海大誣謨拔其扶餘府誅其守將遂圍忽汗城誣謨素服藁索牽羊率僚屬三百餘人出降太祖優禮釋之越數日誣謨復叛攻破其城駕幸城中誣謨請罪馬前詔以兵衛誣謨及族屬以出改渤海國為東

丹忽汗城為天福卅皇太子倍為人皇王以居之衛送
大諲譔于皇都西城賜諲譔名曰烏魯古婁曰阿里只
改扶餘府為黃龍府世為遼重鎮

昌蘇館

昌蘇館不知其所始遼聖宗開泰元年其王昌里喜來朝
後屢遣使來貢至天祚時馬哥餘睹等攻昌蘇館敗績
始與遼絕金時昌蘇館其所屬部也

鐵驪

鐵驪亦不知其所始遼太祖天顯元年鐵驪來貢至興宗

重熙時始授之官為右監門衛大將軍自太祖至道宗
無歲不貢至天祚之乾統而貢始絕云

蒲盧毛朵

蒲盧毛朵亦不詳其所始遼聖宗太平七年蒲盧毛朵部
始遣使來貢其後人戶亦徃徃來附以方物貢者歲相
踵

蒲里奴

蒲里奴遼以前不可考聖宗統和時始來貢開泰十七年
伐蒲里奴執其首陶得里以獻始與遼絕

元惹

元惹疑與蒲盧毛朶隣部也故蒲盧毛朶部多有元惹民戶聖宗統和時元惹來貢歲貢鷹馬貂皮後以其地遠詔生辰正旦外並免

南夷

南蠻總叙

南蠻有二自武陵而西歷岷山連朱接荆夔裔境為南郡巴巫諸蠻出廩君自武陵而南歷酉陽沅靖奄及榔桂為武陵五谿諸蠻出槃瓠其人雜篁笮林麓以居椎髻

跣足衣斑被讎語言佻僞託歲月率以甲子要約以木鐵為契種黍麥粟豆山芋為糧伐竹木易穀獵山獸以續食兒始生稱鐵如其身之重清毒水中長鍛之為刃仰刃牛項下以肩負即殊者為良兒初行時燒鐵石烙足成重繭長能履荆棘刀刃不畏俗喜讎殺猜忍輕死又能忍饑行鬪出入左腰長刀右負偏架弩手長鎗或持弩銜刀其口中不刀即弩弩不輕試能以一足蹶張背手傳矢徃徃命中又或傳毒藥于鏃伏其弩伺不備中人輒斃臨敵有甲冑長牌上下山阪若飛畏鬼喜淫

紀二廣五二
祀樂有盧沙饒鈸愁笛壺笙衆音咬哇擊竹筒為節跳
躍呼噪相之以財力相君長父子別業父貧以身質子
子亡忘怒則無論父子兄弟必加兵得牛酒乃釋鑄銅
為鼓有急則鳴之以聚衆稱有鼓者為都老鼓始成懸
庭中置酒召諸酋高會競以金銀釵扣鼓扣畢遣主人
而去諸部落皆然乃其心貪而多疑有動靜必卜竹滌
枯惟恐失利編氓或狡黠者陰結諸蠻每為鄉道分據
獲或詞伺機宜泄之故數數侵軼亡常大都王化脩則
宿服德教失則寇亂其性如此雖暴鮮遠志故歷代征

伐戍守撫援之畧皆觀其勢圖之不務窮討

廩君種

故巴氏子與樊譚相鄭為五姓俱出武洛鍾離山石穴未
有君長約擲劍中穴者奉為君惟巴務相中子立為廩
君四姓臣焉秦惠王并巴中以巴為蠻夷君長爵比不
更世尚秦女有罪得以爵免其君長歲出賦錢民戶出
幪巾鷄羽其地在南郡之西北接狼山夷道南連武陵
西介巫夔後漸滋蔓越跨江北故稱南郡巴巫蠻漢興
以隸南郡至章帝建初十三年巫蠻許聖等叛遣使者

督荊州諸郡兵萬餘人討之不下乃督巴郡魚復數道
兵攻之斬其渠帥聖等乞降悉徙置江夏昭烈遣將軍
吳班攻破吳將李異兵於巫秭歸諸蠻響應乃分置宜
都天門建平巴東江北諸郡蠻各就險阻居之劉宋於
荊州置南蠻校尉雍州置寧蠻校尉以領諸蠻附者令
戶輸穀數斛餘雜調孝武帝為雍州時巴東建平宜都
天門四郡蠻為寇人戶多流散及卽位大明中酉陽蠻
皆叛沈慶之率江雍荊河州諸軍討破之後魏孝文延
興中桓玄誅子誕亡入太陽蠻推為主因築城號施王

擁河水以北強葉以弁八萬餘落遣使內附孝文嘉之
其後太和中襄陽蠻酋田益宗雷婆思等率衆千餘內
徙求居太和川詔給廩食使開南陽全有沔北之地蠻
人安堵不為寇害武帝景明間東荊州蠻樊安等反遣
鎮南將軍李崇討平之永平初東荊州表誕子太守桓
叔興招慰太陽蠻田育立等二萬八千戶以歸詔置郡
四縣十八梁武帝遣兵沿沔破掠諸蠻後魏遣蠻師桓
叔率夏二萬餘人討擊之斬令孫等俘虜二千餘人其
後因大鎮秦隴所在反叛荆郢蠻大擾斷三鵝路至於

襄城汝水多被抄掠有冉氏田氏向氏大者萬家少者千戶僭稱王侯屯據三峽荆蜀行人至有假道者西魏文帝大統十一年沔漢諸蠻擾動大將軍楊忠擊破之其唐州蠻田魯嘉亦叛自號荆河州伯遣王雄討之後周明帝時蠻師冉令賢向五子等反攻陷白帝武帝天和初詔開府陸騰討之蠻衆大潰斬首萬餘級騰乃聚其骸骨於水邏城側築京觀後蠻蠶過者輒大號哭自此狼戾之心輟矣信州舊理白帝騰更於蜀先主故城自八陣之北臨江岸築城移至信州又以巫縣信陵移

歸並峽中要險築城置坊以為襟帶馬唐時號彭水蠻寇服不常宋真宗咸平五年施蠻數擾召問巡檢使侯廷賞對曰蠻無他求惟欲鹽爾因詔夔州路轉運使丁謂與之鹽諸蠻感悅相約不為寇且曰天子濟我以食鹽我願輸與兵食於是與溪州蠻皆願歲輸粟易鹽轉運使丁謂上言款蠻入粟實沿邊砦柵頓息施萬諸州饋餉之弊自古安邊未有若此自是邊粟有三年之積先是益州軍亂議者恐緣江下峽乃集施黔高溪蠻豪子弟捍禦之羣蠻因熟漢路寇掠而歸謂因召與盟令

還漢口四百餘有生蠻違約謂遣高州義軍務頭角田承進率衆及發州兵擒獲之蠻皆震懼伏罪謂置尖砦施州界以控扼之景德二年施州叛蠻潭仲通等來歸祥符元年夔州路言五團蠻嘯聚謀劫高州請令施州暗利砦援之詔以蠻夷自相攻不許黔州言磨嵯浦洛蠻首領二千人歸順三年夔蠻千五百人乞朝貢慮其勞費止之乾興初順州蠻田彥晏寇施州暗利砦縱火去夔州發兵擊之明年彥晏款邊上警狀仍加爵知州如故仁宗天聖二年詔安遠等州道遠聽以方物留施

州嘉祐三年詔以施州蠻何永勝所領州為安定州熙寧六年詔施州蠻以金銀質未者估實直如七年不贖則變易之先是蠻因饑以金銀信實直質于官易粟官不能禁至是始著為令其後熊本經制涪井事宜蠻酋田現等內附施黔比近蠻子弟精悍善用木弩藥箭戰鬪趨捷朝廷嘗團結為忠義勝軍及瀘州涪井石泉蠻叛皆獲其用元祐置沿邊溪峒招討司及于西高州置大奴管勾等峒長官司尋以順川西界仍置細沙砦貢忠路金峒俱隸施州尋以施州隸夔州路峒主覃順入

續文獻通考
貢進散毛為府至正初施南叛詔都元帥紐璘諭降之
更為施南道宣慰司廢富州為散毛峒以大旺地大翁
迦峒令師壁安撫司領之更置龍潭長官司尋又更散
毛誓崖為宣撫司給符印置官屬以順州為忠建軍置
湖南鎮邊宣慰使司置石溪峒長官司于故西高州又
改高羅寨為宣撫司其後施州峒蠻叛四川行省招降
之進州為施南招討司都元帥府無何明玉珍起蜀盡
據其地 皇明討平之分設宣慰安撫及各長官司焉

苗

苗人古三苗之裔也自長沙沅辰以南盡夜郎之境往往
有之與民夷混雜通曰南蠻其種甚夥散處山間聚而
成村者曰寨其人有名無姓有族屬無君長近省界者
為熟苗輸租服役稍同良家至年則官司籍其戶口息
耗登于天府不與是籍者為之生苗生苗多而熟苗寡
其俗各以其黨自相沿襲大抵悞忮猜禍絕禮讓而昧
彝倫惟利所在不顧廉耻喜則人怒則獸睚眦之隙遂
至殺人被殺之家舉族為讎必報當而後已否則親戚
亦斷斷助之即抗到不悔諺云苗家讎九世休言其不

可遽解也其人魁結點躡陔穴躡荆棘捷如麋麋斑
衣左衽或無衿襜竅以納首別作兩袂急則去之插雞
尾于顛負蘭抱弩遇便輒擄掠狝突箚中不可疏若有
娶者以銀環飾耳號曰馬郎婚則脫之婦人雜海肥銅
鈴藥珠結纓絡為飾處子行歌于野以誘馬郎清淫不
禁仲春刻木為馬祭以牛酒老人並馬箕踞未婚男女
吹蘆笙以和歌淫詞謔浪謂之跳月中意者男負女去
論妍媸為聘貲羸縮貧而逋者逾歲索之即髮種種長
子孫不貸也飲食惡草以蕎灰和秫粥釀為臭酒以魚

肉雜物投之曰醢蛆蚋叢嘍以為珍且矜富羨者則曰
蓄醢桶幾世矣歲時召親戚槌銅鼓鬪牛於埜封其負
者祭而食之大齋若掌以牛角授子孫曰某祖某父食
牛凡幾要約無文書刊寸木判以為信爭訟不入官府
即人亦不得以律例科之推其屬之公正善言語者號
曰行頭以講曲直行頭以一事為一籌多至百籌者每
舉一籌數之曰某事云云汝負於某其人服則收之又
舉一籌數之曰某事云云汝凌於某其人不膜則置之
計所置多寡以報所為講者曰某事某事其人不膜所

為講者曰然則已不然則又往講如前必兩人咸服乃
決若所收籌多而度其人不能償者則勸所為講者擲
一籌與天一與地一與和事之老然後約其餘者責負
者償之以牛馬為算凡殺人而報殺過當者算亦如之
言語佻僞甚者重譯乃解與其曹耦善厚者曰同年同
年之好踰于親戚與漢人善者亦曰同年稱其酋長曰
茫稱人曰歹自稱亦曰歹猶晉之言咱吳之言儂也不
知正朔以鼠馬記子午言日亦如之歲首以冬三月各
尚其一曰開年占卜以雞骨推之視其壘以斷凶吉或

折茅為兆病不服藥禱鬼而已不愈則曰鬼所昏也棄
之不顧謂其巫曰鬼師喪無服或葬或不葬大抵諸苗
之俗婚姻畧同而喪祭異善為蠱毒蠱無形而毒有物
中之皆能殺人或言蠱有神熠熠若月以昏暮流人家
為祟以其日作蠱浹辰而出之以中生人則已無生人
則生人以其身服蠱解而哇之否則神將蔓殃于其室
其在金筑者有克孟牯羊二種擇懸厓鑿竅而居不設
茵第構竹梯上下高者百刃耕不輓犂以錢鑄發土糞
而不耘男女躡坐而偶免乳而歸其聘財親死不哭笑

舞浩唱謂之闌尸明年聞杜鵑聲則比屋號泣曰烏猶
歲至親不復矣在獨山為九名九姓苗狙詐而饜諛以
元日為把忌閉門不出二七而解犯子者以為不祥烏
羅着可以三月一日為忌二十五日而解在平樂為紫
姜苗嗜殺尤甚得讎人即生啗其肉夫死其妻嫁而後
葬曰喪有主矣在白納為賣爺苗其俗賤老而貴少父
老則拽而鬻之在葛彰葛商為短裙苗以花布一幅橫
掩及骭在牂牁之間為八番子其俗勞女而逸男以虎
馬日為市夜卧必圍爐厝火不施衾枕燕會擊長腰鼓

為樂以十月望日為歲首葬不擇日以夜靜出之云不
忍使其親之知也在陳蒙爛土為里苗又為天苗緝樹
葉以為上服女子甫十歲即構竹樓堊外處之以號淫
者人死不葬以藤蔓束之樹間而已此皆苗俗之大畧
也蓋諸苗所居必深山僻谷生而不見外事故其俗不
移無公家更賦之給故其民情慢土無疆果蕨蠱蟻食
物常足故皆啾窳偷生而亡積聚不通文字絕先王禮
義之教故枝柱淫佚與鳥獸同歸雖得其人亦不可使
則亦夷之而已

安南

按安南國古交趾也在中國之西南秦并天下置桂林南海象郡秦亡南海尉趙佗擊併之漢置九郡交趾居其一唐分嶺南為東西二道置節度立五筦安南隸焉宋封丁部為交趾郡王傳子璉三世為黎桓所奪隨又為李公蘊所奪即封公蘊為王李氏傳八世至吳昌陳日熒為吳昌塔遜有其國 元憲宗三年遣使良合台攻之日熒竄海島 八年日熒傳國于長子光昂 世祖中統二年從光昂請封為安南王 至元四年下詔諭

以六事一君長親朝二子弟入質三編民數四出軍役五輸納稅賦六置達魯花赤統治之 十三年表免六事 十四年光昂卒子日烜立 二十二年日烜僭稱大越國主憲宗興兵伐之 二十五年日烜遣使謝罪明年貢方物日烜卒子日燿遣使來貢徵入朝不至 武宗至大四年世子陳日養遣使來朝 泰定元年世子陳日熿遣使來貢 文宗天曆二年世子陳日焯遣使來貢元末天下大亂安南不至 皇明削平羣盜驅逐胡元 洪武元年登極 詔諭薄海內外日燿大懼

又聞征南將軍廖永忠副將軍朱亮祖帥師逾嶺降何
真定廣東西日燿欲納款又以梁王尚在雲南持兩端
二年始遣其少中大夫同時敏正大夫段悌黎安世
等來朝貢請封遣侍讀學士張以寧典簿牛諒封日燿
為安南國王 賜駝紐塗金銀印以寧等至安南界日
燿已卒其弟日燿嗣立遣阮汝亮迎請 詔印以寧等
不從日燿遣杜舜欽等請 命于朝以寧駐安南候命
詔封日燿為王是年遣翰林編脩羅復仁兵部主事
張福 詔諭安南占城國王各罷兵息民皆聽命 三

年日燿卒封其子日鑑嗣王 五年陳叔明遣人朝貢
却不受 明年又遣人納貢謝罪請封當是時煇嗣王
叔明者煇兄也專國政 十二年煇遣使來貢 上惡
其疆悍數侵占城 詔諭叔明 二十年煇遣使貢賀
聖壽 二十一年國相黎季犛廢其主煇幽大陽坊尋弒
煇立叔明子日焜主國事 二十二年又弒日焜假煇
名遣人來貢 二十六年遣禮部尚書任亨太監察御
史嚴震直 諭令出兵討龍州趙宗壽 二十七年遣
人朝貢却不受 二十九年遣行人陳誠呂讓 諭令

還思明伍縣不聽陳氏傳十二世至日焜而黎氏篡立
僭稱皇帝國號大虞紀元天聖 永樂初李聲上表竄
姓名為胡一元子蒼易名奎詐稱陳氏絕奎為陳氏甥
求權署國事 朝廷從其請逾年陳王孫添平走至京
言李聲弒篡李聲詐上表請迎添平歸還以國 上遣
行人聶聰送添平歸國 勅征南副將軍黃中呂毅率
兵禦之李聲伏兵芹站殺添平及我使人 上怒 永
樂四年七月辛卯以成國公能為征夷將軍總兵官西
平侯晟新城侯輔左右副將軍豐城侯彬雲陽伯旭左

右叅將大將軍率右副將軍右叅將及清遠伯友統神
機將軍程寬朱貴遊擊將軍毛八丹朱廣王怒等橫海
將軍魯麟王玉商鵬鷹揚將軍呂毅江浩方政驃騎將
軍朱榮金銘吳旺劉劄出二十五將軍以兩京畿荆湖
閩浙廣東西兵出廣西憑祥左副將軍左叅將統都指
揮陳睿盧旺等以巴蜀建昌雲貴兵出雲南蒙自兵部
尚書劉儁叅贊戎務尚書黃福大理寺卿陳洽轉餉是
日 上幸龍江禡祭誓眾曰黎賊父子必獲無赦脅從
必釋毋養亂毋玩寇毋毀廬墓毋害稼穡毋恣取貨財

母掠人妻女母殺降有一於此雖功不宥母冒險肆行
母貪利輕進罪人既得即擇立陳氏子孫賢者撫治一
方班師告廟揚功名於無窮其往勉之時晟鎮雲南先
遣彬以征夷副將軍印制授晟十月輔兵度坡壘關傳
檄數黎賊二十罪遂入雞陵關晟兵至白鶴江賊拒守
富良江能卒以輔為征夷將軍代能十二月 勅行人
朱勸 諭黎賊晟兵奪宣江進次沱江輔兵渡沱江合
兵渡富良江進克多邦城焚賊西都賊走入海輔駐兵
交州晟追賊至木丸江 五年正月輔晟合兵破籌江

柵賊走閩海口敗之富良江五月賊走入安都督僉事
柳升率舟師追賊敗之得賊船三百賊遁且入海輔晟
乘勝追之升引兵出奇羅海口賊敗卒王榮胡等七人
擒李聲李保等十人擒其子澄安南人武如卿擒偽大
虞皇帝蒼偽太子萬偽將相王侯柱黎季胤等 諭詔
求陳氏後復立為安南國王國人言黎賊殘陳氏無後
乃郡縣其地立交趾布政使司都指揮使司按察司分
十七府曰交州北江諒江三江建平新安建昌奉化清
化宣化大原鎮蠻諒山新平又安順化升華四十七州

一百五十七縣衛十一所三市舶司一改雞陵關為鎮
夷關安撫人民三百二十萬獲蠻人二百八萬七千五
百糧儲一千三百六十萬石象馬牛十三萬五千九百
船八千七百軍器二千五十三萬九千 勅黃尚書兼
掌布政二司事 勅輔晟偽交趾應有懷才抱德山林
隱逸明經能文博學有才賢良方正孝悌力田聰明正
直廉能幹濟練達吏事精通書算明習兵法武藝智謀
容貌魁偉語言便利膂力勇敢陰陽術藥醫方技數之
人悉心訪求禮送京師擢用九月輔遣升露布獻俘李

穉蒼及偽將相下獄赦澄茂等令有司衣食之陞柴胡
等指揮使僉事千戶是冬贈故安南國王陳氏子孫七
人官 六年七月進封輔為英國公晟黔國公封升安
遠伯八月交人簡定鄧悉反以晟為征夷將軍帥師討
之偽仍叅贊十二月與賊簡定戰於生厥江敗績偽都
督呂毅交趾叅政劉昱皆沒 七年二月 勅輔總兵
討賊言晟出師失律致賊猖獗令聞鄧悉死而八百媳
婦老媪猶供餽者何人賊云有象五萬又謂我將帥皆
易與宜戒慎同心協力早滅此賊五月簡定稱上皇立

陳季擴為大越皇帝改元慶光八月輔敗賊于鹹子關
九月又敗之太平海口十月季擴稱故王後請封輔不
聽進兵至清化十一月輔獲簡定及其偽將相 八年
正月召輔還令晟節制諸軍簡定檻至京伏誅十二月
季擴乃上表請降遣方通政 諭季擴以為交趾右布
政又以其黨陳原樽為叅政胡其澄景異鄧鎔都指揮
潘季祐按察副使是月季擴景異復反九年正月以輔
為征虜副將軍總兵會征夷將軍晟率師討之二月詔
赦交趾七月輔晟敗賊于月常江十一月輔率舟師破

賊于海上 十年八月又破賊于神投海口十月又破
賊西心江 十一年十二月輔晟會兵敗賊于愛子江
擒季擴 十二年八月檻至京伏誅 十三年四月以
輔為征夷將軍總兵鎮交趾 十四年十一月召輔還
豐城侯彬代輔 十六年正月清化土官巡檢黎和反
侯彬遣都督朱廣徃勦之利初從季擴為金吾將軍已
而來降令為土巡檢輔還遂反稱平定王以弟黎石為
相國段莽都督聚賊眾范晏等肆出劫掠廣兵至斬首
六百擒晏利遁去彬請就交趾戮晏等以徇七月交趾

右布政使莫勛及文州知府杜希望令縣丞黎獻率家
人五百力役北京 十七年巡按御史黃宗載言交趾
新入版圖勞來尤在得人今府州縣多兩廣雲南歲貢
生及下第舉人未入國學乞仕遠方遂授以職既乏太
學教養之素又非諸司歷試之才以故牧民者不知撫
字理刑者不諳法律若候九年黜陟廢弛益多宜令到
任二年以上者從巡按御史及布政二司嚴覈其廉汙
能否上狀黜陟從之 十八年五月 勅候彬叛寇黎
利潘僚車三農文歷等迄今未獲未審兵何時得息民

何時得安宜盡心畫方畧早滅此賊交趾叅政候保馮
貴討賊戰死 十九年五月彬請屯田九月彬言利奔
老撾我進兵討捕老撾輒遣頭目覽耆郎阻我兵勿入
境云即發兵象大索利送軍門久之竟不獲利 上曰
老撾匿賊持兩端令彬遣頭日出京詰之是冬赦利以
為清化知府遣內官山壽 諭利 二十二年 仁宗
即位召福還以洽為兵部尚書代福是冬交趾叅將保
定侯瑛榮昌伯智言壽未至利復反改大理寺卿楊時
習為按察使以代謙為布政使內官馬騏自交趾召還

未幾矯旨下內閣書 勅復往交趾開辦金銀珠香內閣覆請 上正色曰朕安得有此言此奴曩在交趾荼毒軍民卿等獨不聞乎自騏召還交人如解倒懸豈可再遣然亦不誅騏也 洪熙元年二月以智為征夷副將軍總兵討利六月 宣宗卽位七月 命行在兵部侍郎戴綸副洽贊理智軍務八月賊阮可郎等伏誅十一月 勅智及安平伯安都督方政及三司賊利包藏禍心已非一日始若易取誤信人言惟事招撫迄今八年終不聽命忠臣罹害良民被毒其誰之過智等其急

進兵務協和成功來春不捷論罪是月 上欲棄交趾問英國公輔尚書義原吉皆曰不可棄問內閣士奇榮皆頓首稱善 宣德元年三月智起兵討利進至茶籠州敗績四月以成山侯通為征夷將軍總兵都督馬瑛叅將討賊尚書洽仍贊叅軍務安平伯安掌交趾都司削智政官爵五月赦交趾十一月通擊賊敗績十二月賊攻清化州不利引去以安遠侯升為征虜副將軍總兵保定伯銘左副總兵都督崔聚右叅將由廣西黔國公晟為征南將軍總兵興安伯亨左副總兵新寧伯忠

右副總兵由雲南率兵兩道討賊兵部尚李慶叅書贊
軍務工部尚書兼詹事黃福仍掌交趾布按二司事
勅通守城練兵侯升等至進兵 二年正月 上念久
用兵勞費又問大臣士奇榮力贊上止兵棄交趾便利
攻交趾城通等出戰賊敗之斬偽司徒司空大尉少太
監黎芻等四月利陷昌江通斂兵不出賊書與通請和
通遂許清化諸州地與賊遣指揮關忠與利所遣人上
表貢方物七月賊破隘雷闔圍丘溫鎮遠侯興祖擁兵
南寧不肯援城陷逮興祖九月升等師至隘雷闔利遣

人詣軍門上書言窮迫乞罷兵立陳氏後升易賊賊伏
四起升中鏢死是日銘病卒明日慶亦卒聚兵亦敗諸
將兵皆阻賊不得進十月通出下哨河立壇與利盟納
退師且宴利遣利金織文綺利亦以重寶謝通是月忠
及利所遣人至京表以陳暲爲名實出利 上覽表示
羣臣曰賊表乞復立陳氏後從之便抑不不從便羣以
內閣主議故皆曰從之便 上曰然十一月以行在禮
部侍郎李琦工部侍郎羅汝敬充正使通政黃驥鴻以臚
卿徐永達副使 詔諭安南言利表言前國王遣嗣暲

尚老過國人乞封暹王永奉職貢頭目耆老其以實
對朕卽遣使授封朝貢如 洪武故事又 勅通等卽
日班師內外鎮守三司衛所府州縣文吏士携武家來
歸三年正月通馳奉偽王陳暹遣黎少頴表貢代身
金銀人謝罪并送我叛人都督都指揮蔡福等還京乞
班師臣兵寬援絕人情警懼賊控據水陸陷奪城池臣
與衆議不如因其納貢請降全師出境再圖後舉臣已
率將士還至南寧候 命 上覽奏 勅通虧損臣節
遣笑蠻方如國體何三月少頴至京表稱安南國先臣

王臣順三世嫡孫臣暹及頭目臣黎利云四月通至京
羣臣劾通及瑛智安政布政使弋謙內官山壽馬騏等
下廷鞫言通等失律喪師棄地壽曲獲叛賊騏激變藩
方論死擊獄詔籍其家瑛等坐罪有差與祖亦下獄
五月琦汝敬等還利遣人表謝言暹會病卒族人並絕
國中推利守國候 命汝敬永遠復奉 詔諭利及耆
老訪陳後聞羣臣又劾晟亨忠奉命與升犄角進兵願
逗遛逾時方臨賊境與升等聲聞斷絕賊得專力拒我
及聞升陷沒又不進援通等輒狼狽引退爲賊所乘殺

傷吏士委棄鎧杖賊勢益橫城池失守乞亟正邦刑
上曲赦晟令臺中函劾章示晟亨忠候還京論罪贈交
趾死節都指揮李任指揮顧福劉順徐騏周安千戶蔡
顯桂勝知府劉子輔易先知州何忠內官馮智等賔武
官世職文官復其家誅叛臣蔡福等籍其家 四年三
月汝敬等還利遣人貢方物三月遣琦永達行人張聰
多勅諭利是月琦等還利遣人貢金銀釵器方物并上
國人奏言陳氏無後利撫綏有方得民心乞令管攝永
爲藩臣奉職貢 六年五月利遣人陳情謝罪貢方物

六月遣行在禮部侍郎章敞通政徐琦 詔利權署安

南國事 七年二月敞等還利遣人貢謝 八年八月

利遣人八貢 九年三月廣西總兵山雲言利死長子

狂妄次子幼弱奸臣黎問黎察相構讎殺夷民驚懼諫

山土官阮世寧七源土官阮公庭率衆避難來歸願居

廣西龍州及太平府上下凍州 勅雲利起本微賤因

奏立嵩從人望朕志在息民遂 詔罷兵徐議立嵩利

遽奏嵩死嵩之死利所爲也 朝廷卽欲問罪不忍毒

民令權署國事多行不義爲天所殛爾戒飭邊兵嚴謹

守備勿忽世寧公庭可善撫之四月琦等還言利死利
子麟遣人告喪獻金人方物五月遣行人郭濟朱弼祭
利十月麟令人上表請命遣敵及行人侯進諭麟
仍權署安南國事十二月欽州賊浪如昔人叛降麟
正統中麟卒子濬嗣天順中濬被篡弟灝嗣弘治
中灝卒長子暉先卒子誼嗣正德初誼被篡國人請
以灝庶子調嗣乃遣使詔諭交酋亦數遣使朝貢然
時時南侵占城上開諭禁之輒陽聽命侵盜如故已
而中國人多潛入交南至有受僞御史者教之窺伺雲

南太監錢能貪殘令京衛指揮郭景矯奉勅旨往來
交南猾夷奸閑出入莫敢誰何遂誘我通逃覘我虛實
鎮南關外類多華人而臨安諸郡所在有夷賊矣於是
撫臣屢請增置文武吏士控制彈壓然交人侵奪欽州
里社我亦不能禁是時凋弱懦無為境內盜起羣下專
權虐政暴征人不堪命正德十年凋遣阮仲達朝貢
是年陳嵩作亂殺凋奸酋莫登庸及其子方瀛結黎義
昭等共推凋從子諱嗣而討殺陳嵩嘉靖改元遣使
詔諭凋且死七年矣諱不請封輒改元光紹嵩父

子亦據諒山等府稱王改元天應莫登庸妻灝妻逼諷
走海濱使命不能達而還當是時登庸遂與陳氏分據
交地杜溫閏鄭緩不肯從登庸已而諷死登庸又曰灝
有子應諷弟也矯立應相拒交人曰灝死久矣應本登
庸子諷同母弟也嘉靖初田州岑猛叛兩廣總督姚鏞
計鴆殺之謂岑氏可遂滅疏請設流官治田州而盧蘇
王受諸孽輒通交南流言播惑滇嶺間人鏞被論落職
桂萼初嚮用言提督兩廣非新建伯王守仁不可遂起
新建伯兼兵部尚書總制兩廣江湖諸省軍務新建伯

至嶺南始知流官不可設請復官猛子邦相爲田州判
官盧蘇亦與主巡儉羈縻之尋新建伯病謂翁萬達曰

田州事非我本心後世誰諒我者新建伯

首萼

之力萼議禮致位卿輔欲立奇功會安南有亂莫可傳
檄取之乃陰以意寓書授新建伯若專爲思田者使蚤
探安南要領而新建伯不答直於奏尾稍及之萼遂恚
憾會新建伯卒竟中傷革世爵及卹典云 嘉靖十五
年 哀冲太子生頒詔諸夷禮官言安南久不廷不必
遣使請發兵討之下廷議諸大臣不可 勅錦衣衛官

使安南察之已而又遣禮部尚書黃綰翰林學士張治
使安南 車駕巡承天綰治行有日又復止兩廣守
臣言安南莫氏篡逆國內大亂時出侵掠遂 命兵部
尚書毛伯溫至廣東議方略進兵討莫氏會莫氏請命
嶺南知府廉州張岳梧州翁萬達廣州鄒守愚及巡撫
諸臣亦不欲用兵騷動數省條議上伯溫請赦莫氏以
爲安南都統使會登庸死子方瀛亦先故伯溫請以制
命授其孫福海 二十年六月班師論功進秩賞賚有
差未幾福海復爲黎寨所逐黎氏仍據國莫氏竄居南

海島上 朝廷置不問至其子宏漢復逐黎氏有其國
傳子茂渰 萬曆辛巳奏襲職交趾東起欽州西歷左
江北至臨安元江龍州其孔道憑祥皆要害也由臨安
經蒙自河蓮花灘至其東都可四五日其俗夷獠雜居
不知禮義獷悍喜聞不解耕種推髻剪髮好浴善水平
居不冠個儻好謀驢演人淳秀好學其山川佛跡勾漏
海富良江爲大產金珠珊瑚玳瑁丹珠諸香蘇合油胡
椒羚羊角犀象兕白鹿猩猩狒白雉翡翠蚶蛇狒蟻子
監波羅蜜烏木蘇木境內有越王城天使館浪泊桂銅

鼓二十五年十月兵部覆前總督陳大科奏狡夷叩
關請罪等事奉 旨黎惟潭旣納舊疆又係知罪請
命不失遠夷恭順之義朕念安南雖係夷邦人不及可
無統黎惟潭准授安南都統使仍寫 勅諭并鑄印與
他俾轄一方永遵王化餘俱依擬
建設始末

宋封高璉為交趾郡王遼金無考元時城邑可絕者錄于
後

大羅城路漢交趾郡唐置安南都護府宋時群人李公

蘊立國於此及陳立以其屬地置龍興天長長安府

龍興府本多岡鄉陳氏有國置龍興府

天長府本多黑鄉陳氏祖父所生之地建行宮於此歲
一至亦不忘本故改曰天長

長安府本華閩洞丁部領之地五代末部領立國此於
歸化江路地接雲南

宣化江路地接特磨道

沱江路地接金齒

諒州江路地接左右兩江

北江路左羅城東岸瀘江水分入北江江有橋

如月江路

南册江路

大黃江路

快路

國威州在羅城南以下州多接雲南廣西界雖名州其

實洞也

古州在江北

仙州古龍編

富良

司農一云揚舍

定邊一云明婚

萬涯一云明黃

文周一云門州

七源

思浪

太原一云黃源

通農

羅順一云來神

梁界一云梁個

平源

光州一云明蘇

渭龍一云舍

道黃

武寧此以下縣倭雲南廣西界雖名縣其實洞也

萬載

立温

新立

悅縣

紙縣

歷縣

蘭橋

烏延

吉勇

供縣

蜜縣

上坡

門縣

清化府路漢九真隋唐為受州其屬邑更號曰江曰場

曰甲曰社

梁江

波龍江

古農江

朱舍江

茶江

安暹江

分場

古文

古藤甲

支明甲

古弘甲

古戰甲

緣甲

义安府路漢日南隋唐為驩州

倍江

西江

倡江

尚路社

唐舍社

張舍社

濱州路本日南屬縣曰扶演安仁唐改濱州

孝江

多壁場

巨賴社

他袁社

布政府路本日南即象林縣東濱海西際真蠟南接扶南北連九德東漢末區連殺象林令自立國稱林邑唐時有環王者徙國于占曰占城今布政乃林邑故地自安南大羅城至燕京約一百一十五驛計七千七百餘里

皇明初設安南等處承宣布政使司與按察司及都指揮

使司治交州府宣德二年以後改安撫司等官俱聽都

統使自行黜陟每遇朝貢之年總數奉聞

交州府領慈廣福安威蠻利仁三帶五州東開慈廉名室芙蓉清潭清威應平平陸利仁安蒞安樂

扶寧立石一十三縣

北江府領嘉林武寧北江三州嘉超類細江善才東岸慈山善誓七縣

諒江府領諒江上洪二州清遠那岸平河鳳山陸那安寧保祿古隴唐安多錦十縣

諒山府領上文下文七源萬涯廣源上思下思

新安府領東潮靖安南景下洪四州至靈陝山古費安老水棠又封新安和同利萬寧雲屯西歧清

沔一十二縣

建昌府領快州一州建昌布縣真利東結芙蓉永潤六縣

鎮蠻府領廷河太平古蘭多西四縣

奉化府領美祿西直膠水順為四縣

建平府領長安一州懿安大響安本望瀛安寧黎平六縣

三江府領北江宣江沱江三州麻溪夏華清波西蘭古農五縣

宣化府領曠縣雷道文安平原底江收物大蠻楊縣乙縣九縣

太原府領富良司農武禮洞喜永通宣化弄石大慈安定感化太原十一縣

清化府領九直愛州清化葵州四州安定永樂藤梁江東山古雷農貢宋江俄樂姦江安樂十一縣

縣

又安府領

驪州南靖茶籠王麻四州衙儀友羅丕祿比油倡江直福古社上黃東岸石塘奇羅盤石

河華一十三縣

新平府領

政平南靈二州衙儀福康左平三縣

順化府領

順化一州利調石蘭巴開安仁茶倡利蓬乍令思蓉蒲苔蒲浪士榮一十一縣

升華府領

升華思義二州黎江都知安備萬安具熙禮梯持羊白烏義純鷺孟溪錦一十一縣

廣威州領

麻籠美良二縣

宣化州領

赤土車來瑰三縣

嘉興州領

籠縣蒙縣四忙三縣

歸化州領

安立文盤文振水尾四縣

濱州領

瓊林茶清芙蓉三縣

安南偽制亦以交州為東都僭設五府五部六寺御史臺

通政司五十六衛四城兵馬等衙門附郭府一曰奉天縣

二曰廣德永昌其西都令為清華承政古齋本登庸故鄉

無城郭以鐵力本作排柵三層為外衛登庸所自居也外

分道十三設承政司憲察司總兵使司 嘉靖二十年莫

登庸歸附後令海陽等十三路各設宣撫司通隸廣西藩

省三歲一貢

安邦承政司

即交州地領府一日海東

續文獻通考

三十二

海陽承政司即新安地領府一日海陽

山南承政司即諒江建昌奉化鎮蠻建平地領府十一日上海下洪天長廣東應天荆門新興長

安淮仁平昌義興

京北承政司即北江諒江地領府四日北河慈山諒江順安

山西承政司即北州三嘉興歸化領府六日歸化三帶端雄安西臨洮沱江

諒山承政司即諒山地領府一日諒山

太原承政司即太原地領府三日太原富平通化

明光承政司即宣化地領府一日宣光

興化承政司即廣威州地領府三日興化廣威天關

清華承政司即清化地領府四日紹天鎮寧蔡茶州河中

义安承政司即义安演州地領府八日义安肇平思又奇華德先演州北平清都

順化承政司即順化秋華領府三日順化英都昇華

廣南承政司即又安領府三日廣南茶麟五麻

入交道三一由廣西一由廣東一由雲南由廣東則用

水軍伏渡以來皆行之廣西道宋行之雲南道 皇明

始開廣西道亦分為三從憑祥州入者由州南關隘一

日至交之文淵州坡壘驛復經脫朗州北一日至諒山

府又一日至温州之北險徑半日至鬼門關又一日經

温州之南新麗村經二十江一日至保祿縣半日渡昌
江又一日至安越縣南市橋江下流北岸一道田思明
府入過摩天嶺一日至鬼陵州過辨強隘一日至祿平
州州西有路一日半至諒山府若從東行過車里江此
永樂中黎季犛堰之以拒王師後偵知其堰處乃決
之以濟師一日半至安博州又一日半過耗軍峒山路
險惡又一日至鳳縣又分二道一道一日眼至保祿縣
亦渡昌江一道入諒江府亦一日至安越縣之南市橋
江北岸各與前道會其自龍州入者一日至平而隘又

一是至七源州二日至文蘭平茄社又分爲二道一道
從文蘭州一日經右隴縣北山徑鬼門關平四十里渡
昌江上源經右隴之南沿江南岸而下一日至世安縣
平地至安勇縣又一日亦至安越縣之中市橋江北岸
一道從平茄社西一日半經武崖州山徑二日至司農
縣平地又一日半迹進至安越縣之北市橋江上流北
岸市橋江在安越縣境中昌江之南諸路總會之處隨
處皆可濟師一日至慈山府又至東岸嘉林等縣渡富
良江以入交州雲南亦有二道其一道由蒙自經蓮花

灘入交州之石隴關下程瀾峒循洮江源右岸四日至
水尾州又八日至文盤州又五日至鎮安縣又五日至
夏華縣又三日至清波縣又三日至臨洮府洮水即富
良江上流其北爲宣化江南爲沱江所謂三江者也臨
洮二日至山圍縣又二日至興化府即古多那城自興
化一日至白鶴神廟三歧江又四日至白鶴縣渡富良
江其一道自河陽隘循洮江左岸十日至平源州又五
日至福安縣又一日至宣江府又二日至端雄府又五
日至白鶴三歧江然皆山徑欹側難行其循洮江右岸

久者地勢平夷乃大道也若廣東海道自廉州烏雷山
發舟北風順利一二日可抵交之海東府若沿海岸以
行則烏雷山一日至永安州白龍尾二日至玉山門又
一日至萬寧州萬寧一日至廟山廟山一日至屯卒巡
司又二日至海東府海東二日至經熟社有石堤陳氏
所築以禦元兵者又一日至白藤海口過天遼巡司南
支港以入交州自白藤而入則經水棠東潮二縣至海
陽府復經至靈縣過黃徑平灘等江其自安陽海口而
入則經安陽縣至荆門府亦至黃徑等江由南策上洪

之北境以入其自塗山而入則取古齋又取宜陽縣經安老縣之北至平河縣經南策上洪之南境以入其自多漁海口而入則由安老新明二縣至四岐遡洪江至快州經臧子關以入多漁南爲太平海口其路由太平新興二府亦經快州臧子關口由富良江以入北海道之大畧也交州之東有海陽荆門南策上洪下洪順安快府等府去海頗遠各有支洪穿達迤邐數百里大艦不能入故交人多平底淺舟以便入港云

南詔卽雲南大理等處

按南詔自蒙氏紬奴羅至舜化真十有三世立三百十年而爲鄭買嗣買嗣本唐鄭四之後世爲蒙清氏平官唐昭宗光化五年買嗣滅蒙氏而自立改國號曰大長和買嗣死子旻立旻子隆亶立爲東川節度使楊于真也所殺鄭氏三傳歷年二十有六而爲趙氏趙氏名善政爲清平楊于真旣殺滅鄭氏遂拔善政而立之立僅十月于真又奪之而爲楊氏改國號曰大義寧通漢節度使段思平與師問罪于真不能禦走死楊氏立僅二年而段氏興焉段氏之先有名儉魏者佐蒙氏有功賜名

忠國擢清平官六傳而生思平思平生有異兆楊子真
忌之使人索捕思平逃匿借兵東方黑爨三十七部皆
助之既逐楊氏而有蒙國遂改國號曰大理時後晉天
福二年也思平死子思英立未幾死國人立其叔思良
思良死傳子素順順以宋太祖建隆四年立時王全斌
既平蜀欲乘兵威取滇以圖進于上太祖鑒唐之禍基
于南詔以玉斧畫大渡河曰此外非吾有也由是雲南
三百年不通中國段氏得以睨臨爨燹以長世在位十
七年死傳子素英以宋太宗雍熙二年立死傳素廉廉

以宋真宗祥符二年立死傳素隆隆以宋天禧二年立
避位為僧死傳素真真以宋仁宗天聖四年立死傳素
興興以宋慶曆元年立無道國人廢之而立思廉廉以
宋慶曆四年立 祐中廣西儂智高掠廣州敗走大理
狄青募死士往求之會智高死于大函其首至京師理
段氏至是始聞于中國思廉立三十一年死傳子連義
義以宋熙寧八年立為其臣楊義真所弑義真篡位自
號廣安皇帝凡四年段氏臣岳侯高智昇遣子昇大起
東方兵討滅之而立段壽輝立二年傳于正明明以宋

元豐五年立避位為僧時國人皆歸心高氏遂奉高昇
太為主以宋哲宗元符二年立改國號曰大中臨終屬
其子太明日段氏不振國人推我不得已從之令其子
己長可還其故物爾後人勿效尤也太明遵其遺言求
段氏餘子正淳立之而段氏復興號曰後理國高氏世
相之人稱為高國主正淳復國以高太明為相太連為
柵主遣太連朝宋求經籍得六十九家立十三年避位
為僧死傳子正嚴嚴以宋徽宗太觀二年立四十年避
位為僧死傳子興興以宋孝宗紹興十七年立避位

為僧死傳子智興興以宋孝宗乾道八年立死傳子智
連連以宋寧宗慶元六年立死傳弟智祥祥以宋寧宗
開禧元年立死傳子祥興興以宋理宗嘉熙三年立甲
辰元兵攻之逆戰敗死宋遣使祭之祥興死傳子興智
興智以元憲宗元年立壬子忽必然將兵擊之分為三
道進薄大理興智及高太祥拒戰大敗興智奔善闡大
祥就擒不屈斬于華樓下時白當午忽雲日起雷震五
世祖里異之曰忠臣也遂虜興智滅其國段氏自思平
興智二十二主歷三百五十年元既滅段氏而有其地

得五城八府蠻郡三十有七設大理都元帥府仍錄段氏子姓世守其土赦興智封為摩訶羅嗟管領八方興智死元季亂中原多故段氏復據之于是有十一總管出焉一代總管曰段實元中統二年入覲世祖嘉之賜璽書令總管大理善闡會川建昌永昌騰越諸郡以功累授行省叅政又攻石城及仁德府有功錫虎符二代總管段忠至元中有功授金齒宣慰掌軍民萬戶府三代總管段慶元封為宣武將軍妻以公主八朝歸授雲南省叅政四代總管段正五代段隆六代段俊管七代段

義八代段光時元大德中中原板蕩梁王以宗室鎮善闡與段氏分域構隙至大二年梁王大破光兵光將高蓬守羅那關梁王密招不從乃賂蓬庖人刺之至至正十二年九代總管段功繼立明玉珍自楚入蜀分兵四掠號曰紅巾明玉珍自將紅巾三萬攻雲南梁王及憲司官皆奔威楚諸部悉亂功進兵至呂閣敗紅巾于關灘江殺獲千計又大敗之於回登關梁王德功之助乃奏授雲南平章妻以女阿禮王雖陽德之心實忌之乃密召阿禮付以孔雀膽一具令乘便毒之主潛然不受

命因私語平章曰我父忌阿奴願與阿奴西歸因出毒
具示之三諫終不聽明日邀功東寺演梵至通濟橋馬
逸因令番將格殺之子十代總管買嗣立

皇明高皇帝開基金陵遺其叔段真自會川入京奉表歸
款至十一代總管段明而悉屬我版章因改大理路爲
大理府定賦法築城隍設衛堡立學校比于中州列郡
詳見輿地考

續文獻通考卷之二百三十五終

續文獻通考卷之二百三十六

皇明進士雲間王圻纂輯

四裔考 西南夷

緬卽雲南緬甸宣慰司等

按緬國爲西南夷不知何種其地有接大理及去成都不
遠者又不知其方幾里東至水邦南至南海西至戛里
北至隴川有江頭太公馬來安正國蒲甘緬王五城其
人有城郭屋廬以居有象馬以乘舟筏以濟其文字進
上者用金葉寫之次用紙又次用檳榔葉蓋譯而後通

續文獻通考

世祖至元八年大理鄯闡路宣慰使都元帥府遣使招諭其主不至十九年遣諸王相答吾兒擊緬至二十年克緬江頭太公二城西南夷十二部俱降太德元年封的立普哇拿阿迪提牙為緬國王賜之銀印子信合八的為緬國世子錫以虎符仍戒飭雲南等處邊將毋擅興兵甲爾國官民各宜安業又賜緬王弟撒邦巴一珠虎符首領阿散三珠虎符從者金符及金幣後于蒲甘緬王城置邦牙等處宣慰使司

皇明洪武二十九年始歸附立緬甸軍民宣慰使等司詳

見雲南輿地攷

占城

按占城東北近瓊州順風舟行一日可抵其國東距海西抵雲南南接真臘北連安南世祖至元十五年遣人至占城還言其主字由補臘者吾有內附意詔降虎符授光祿大夫封占城王因遣唆都就其國立省郡撫治之王子補的負固弗率十九年六月命唆都將兵擊占城不克引還至元二十一年復發兵一萬五千人船二百艘命脫歡假道安南擊占城國王因乞回唆都軍願

以土產歲脩職貢使大盤亞羅日加翳大巴南都十一人奉表詣闕獻二象然臣乍叛終無順志

皇明洪武初其主阿答者首遣其臣虎都蠻阿貢來方物詔遣中書省管勾甘桓等封爲占城國王自是朝貢不絕每國王嗣立必遣使請命于朝遣使冊封率以爲常

暹羅

按暹羅在占城極南濱本暹與羅斛二國地暹乃赤眉遣種元至正間始降於羅斛合一國其國土瘠不宜耕於

種羅斛土田平行而多稼暹人歲仰給之俗煮海爲鹽釀秫爲酒氣候不正人尚侵掠男女推髻白布纏頭被服長衫每有計議刑法輕重錢穀出入之事並決之婦人婦人志量在男子上貿易以貶子代錢人死則灌水銀以養其身所產有羅斛香味極清遠又有蘇木花錫犀象翠羽之屬元成宗元貞元年進金字表欲遣使至其國大德三年以故事乞鞍轡白馬及金縷衣用丞相完澤答刺罕言賜金縷衣不賜馬

皇明洪武初暹羅斛國王參烈昭毘牙遣使臣奈思俚儕

刺識悉替等朝貢進金葉表 詔賜大統曆 永樂初
其國止稱暹羅國其王昭祿羣膺哆囉誦刺遣使奈必
表貢方物 詔賜古今列女傳且乞量衡爲國中式從
之至今朝貢不絕 萬曆二十年九月經畧侍郎朱應
昌奏暹羅國正使握叭喇等願督兵蕩勦倭巢奉 旨
捷夷使所稱其見忠義事關重大還行與兩廣總督着
移文另選一能事官員與原差官併夷同往彼國宣諭
朝廷德意取有回文方可頒 勅舉事其餘俱依擬
巴喇西

皇明正德辛未巴喇西國遣使臣沙也白入貢言其國在
南海甚遠始領其王命在洋船行凡四年半被風飄至
西瀾海面船壞唯存一脚艇又在洋飄風八日至得吉
零國住十二箇月又往地名祕得住八箇月乃遵陸行
二十六日至暹羅國以情白王王賜日給又與婦女四
人住彼又四年至今年五月纔附番人奈林船入廣其
所貢水厘六枚內金葉表文祖母綠一塊珊瑚肆株玳
瑤瓶四把玻璃酸四箇及瑪瑙珠胡黑丹

賓童龍國

其國與占城山地連接有雙澗水澄清佛書所云舍衛乞
食卽此地也目連所居遺址尚存人物風土草木氣候
與占城大同小異惟喪事能持孝服設佛以度死者首
首出入或象或馬一如占城地產棋楠香象牙貨用金
銀花布之屬

瓜哇

按瓜哇卽古闍婆國濱海又名莆家龍爲東南諸蕃之衝
要元時稱瓜哇東抵古女人國西抵三佛齊南抵古大
食國北抵占城屬國有蘇吉丹打板打網底勿等國其

在海外視占城益遠自泉南登舟海行者先至占城而
後至其國其人醜怪性情語言與中國不能相通宋元
嘉中始通中國後絕宋淳化中其王木羅茶遣使來朝
貢大觀中復貢元世祖撫有四夷出師海外諸蕃者惟
瓜哇之役爲最大然竟不能克其水有八節澗乃瓜哇
咽喉必爭地元史弼高興嘗會兵于此所產金銀珍珠
玳瑁沉檀龍腦犀象吉貝絞布檳榔梳榔胡椒之屬其
國分東西二王

皇明洪武三年王昔里八達刺遣八的占必奉金葉表貢

方物及黑如三百人納元授宣勅已而我使至三佛齊
瓜哇要而殺之十三年王八達那巴那務遣阿烈彞烈
時奉金葉表朝貢 上遣其使還 詔諭責王遂絕其
使 永樂二年其國東王遣使朝貢請印與之五年西
王都馬板與東王戰戒東王時我舟過東王城西王殺
我百七十人西王懼遣亞烈加恩謝罪 勅詰責西王
令償死者黃金六萬已而遣人貢萬兩禮官請索如兩
數 上曰朕利金耶令遠人知畏耳獨其金賜鈔幣
諭之十六年西王楊惟西沙遣人獻白鸚鵡 王統八

年令三年一貢其四鄉初至杜板僅千家二酋國主之
流寓多廣東漳泉人又東行半日至廝村中國人客此
咸聚落遂名新村約千餘家村主廣東人番船至此互
市金寶克溢人富饒又南水行可半日至淡水港乘小
艇行二十餘里至蘇魯馬益亦有千餘家半中人國港
傍大洲林木蔚茂有長尾猿數萬又水行八十里至漳
沽登岸西南陸行半至王所居溝者伯夷日僅二三百
家總領七八人王宮磚墉高餘三丈方三十餘里屋
高四丈地覆板葦藤蓆跣趺而坐民居茅茨磚庫坐卧

于内王蓬頭頂金葉冠貫紫嵌絲悅腰束錦綺佩短刀
跣足跨象或乘牛民男蓬頭女椎結上衣下悅男必腰
刀刀極精巧刑無鞭扑罪不問輕重藤繫刀殺之市用
中國古錢衡量倍于中國 國人大抵三種西

番賈胡居久者服食皆雅潔中國流寓者尚同因教持
齋受戒曰唐人土人有名無姓尚氣好鬪顏色黧黑猱
頭赤脚信鬼坐卧無椅榻飲食與匙箸啖蛇蟻虫蚓與
犬同寢食不為穢也婚男造女家後五日迎婦金鼓刀
盾前後甚都婦裸披髮跣足紫嵌絲悅戴被金珠綵飾

寶粧裹有水葬火葬大葬惟死者所欲產金珠銀犀角
象牙玳瑁青鹽檳榔椒香蘇水枕榔水吉貝倒掛鳥綵
鳩綠鳩紅綠白鸚鵡白鹿白猿猴

真臘

按真臘本扶南屬國王姓刹利名質多斯那者始并扶南
而有之東際海而接蒲甘南連加羅希北抵占城唐神
龍以後國分為二其南近海多陂澤為水真臘北多山
阜為陸真臘後復合為一屬國有叅半真里登流眉蒲
甘等國所領聚落六十餘地方七千餘里土產多香銅

亦有之自唐至宋累代貢獻不絕宋政和中始通貢宣
和初封為真臘國王與占城等慶元中國人大舉伐占
城破之而立真臘人為占城王故當時占城亦為屬國
皇明洪武初真臘國巴山王忽兒奴遣其臣奈亦告即等
表獻方物自是朝不絕

二佛齊

按三佛齊本南蠻別種居海中舊港與占城為隣相去五
日程居真臘爪哇之間田土甚肥饒米谷所管十五州
屬國有單馬令凌牙斯蓬豐登牙儂細蘭等國王號詹

卑其人多姓蒲唐天祐初始通中國宋建隆初國王悉
利胡大霞里檀嘗遣使入貢淳熙乾道間猶不絕元世
祖至元十七年嘗遣使招之不至風俗物產詳見舊考
皇明洪武四年國王哈刺札八刺卜遣其臣玉的力馬罕
亦里麻思奉金字表來朝并貢方物至今不絕 嘉靖
四十一年廣東大盜張璉林朝曦黃啓荐等築城紀元
建官攻劫 上以督劉顯叅將俞大猷徃勦顯都等陰
賂璉以脅從數百人就戮報捷璉等遁八三佛齊國
萬曆丁丑中國人見璉等在三佛齊列肆為番舶長泉漳

人多主之如中國市舶官體統云

重迦羅

其地與瓜哇相接高山奇秀內有一石洞前後三門可容
一二萬人田谷氣候與瓜哇畧同風俗頗淳國無酋長
推年高有德者主之煮海為鹽釀秫為酒地產羚羊鸚
鵡木綿椰子綿紗貨用銀花絹又去數程曰孫陀羅
琵琶拖曰丹重曰圓嶠曰彭里不事耕作專尚寇剽與吉
陀琦諸國相通商舶少至

麻逸凍

其地在交欄山之西南洋海中山峻地平氣候稍熱田禾
倍收國尚節義婦人喪夫則削髮務面絕食七日多有
並逝者得甦亦不再嫁至焚夫日多自赴火死煮海為
鹽釀蔗為酒產木棉黃蠟玳瑁柳花布貨用銅鼎鐵塊
五色布絹之屬

滿刺加

其國傍海自三佛齊至此十日程山孤人少受制于暹羅
每歲輸金四十兩以為納稅 皇明永樂七年太監鄭
和奉 詔賜以雙臺銀印冠帶袍服建碑封域為滿刺

加國暹羅始不敢擾十二年酋長挈妻子入貢方物受
賞歸國

淳泥

本閩婆屬國在西南大海中去占城三十日程所統十四
州前代不通中國宋太平興國元豐間國王向打始嘗
遣使入貢元豐中國王賜里麻喏來貢元無間焉俗尚
奢侈亦煮海為鹽釀秫為酒愛敬中國人見中國人醉
者則扶之以歸所產有片腦檀香象牙吉貝布玳瑁鶴
頂有貝多加蒙二樹心可為酒亦產紙類木皮而薄瑩

滑色微綠

皇明洪武庚戌遣監察御史張敬之往諭其國辛亥國

王馬謨沙遣其臣亦思麻逸奉金銀箋來朝貢永樂

乙酉詔封其國王麻邪惹加那乃為國王賜印符

誥幣六年戊子秋八月王率妃及子弟妹陪臣等凡

百五十餘人來貢珍物賜宴于奉天門冬十月乙

亥朔王卒于會同館賜謚恭順葬于安德門外石子

岡為樹碑立祠有司春秋致祀子遐旺甫四歲嗣爵

賜玉帶金銀綺幣器皿遣使送之國十二年洪熙

元年皆來朝貢

蘇門答刺

卽古蘇文達那也與花面國相接為西洋要會東南大山西北距海自滿刺加順風九晝夜可至其俗頗淳其產鶴頂錫斗蘇木胡椒闊布大茄 皇明洪武中國王遣使奉金葉表入貢 永樂乙酉國王鎖丹罕難阿必鎮遣其臣阿里來朝貢 詔封蘇門答刺國王 錫印誥金幣 五年又遣使來貢已而王與花王戰敗中矢以死子弱不能復讎其妻發憤今于國曰能復此讎者我

以為夫共國事有漁翁聞之率眾敗殺花面王其妻遂從漁翁 七年王來朝 詔厚賜之 十年其國故王之子率部眾殺漁翁王自立漁翁王子蘇幹刺奔峭山思復父讎故王子遣使來訴 十一年 命太監鄭和率兵往捕蘇幹刺 十三年歸獻闕下國乃寧王子感恩貢方物甚夥 宣德六年貢馬 賜綵段二十表裡紗羅各四疋絹十三疋妃紵絲五疋紗羅各四疋絹六疋 十年封其子嗣王自後朝貢不絕

蘇祿

地在東南海中其俗少粒食食魚鮫螺蛤短髮纏皂纒者
海為鹽釀簾為酒織竹布為業氣候常暑其產竹布玳
瑁珍珠 皇明永樂丁酉國東王巴都葛以答刺西王
巴都葛以蘇哩峒王以都葛巴刺卜各率其妻子頭目
來朝貢珍珠玳瑁諸物 賜王冠服玉金帶蟒龍金銀
錢鈔錦幣器皿及妃子女姻戚頭目賜物各有差三王
東王為導歸至德州卒命有司營葬為樹碑封其長子
都麻合為蘇祿東王十九年遣使來貢

彭亨彭坑

地在東南海島中暹羅迤西俗尚恠常刻木香為人殺人
血祭禱祈福穰災喜供佛其產片腦沉香花錫椰子
皇明洪武十一年遣使表貢番奴及方物 永樂十二
年遣蘇麻固門的里等來朝貢

柯枝

其國與錫蘭山相對村落傍海氣候常熱田瘠少收地產
胡椒通商販 皇明永樂二年國王可亦里遣其臣完
者荅兒等來朝貢十年 詔封其國之山為鎮國山
御製碑文 命立其上

花面

地與蘇門答刺接境花面者男子皆以墨刺面為花獸狀故名俗淳厚強不棄弱上下自耕而食富不驕貧不盜稱善地焉田足稻禾他產亦盛美 皇明國初有使臣以海船駐札蘇門答刺遣人往其山採硫黃酋長感德遂入貢

呂宋

海中小國產黃金以故人多富厚且頗質朴不喜爭訟 皇明永樂三年國王遣臣隔察老來朝貢

古麻刺

地在東南海中前代無考 皇明永樂中國王哇來頃本率其臣入朝至福州卒賜謚康靖勅葬閩縣有司歲時致祭

忽魯毋恩

地在東南海中或曰在西徼外國小土瘠產檀香速香胡椒 皇明永樂三年其王遣臣已即丁等八朝貢

甘巴里

地在南海中大島上 皇明永樂甲午國王兜哇刺查遣

臣得名公葛葛等來朝貢

婆羅

地負山面海人多念佛素食惡殺喜施產珍珠玳瑁瑪瑙
車渠 皇明永樂四年東西王各遣其臣勿黎哥等來
朝貢珍珠玳瑁瑪瑙車渠等 賜王紵絲紗羅共六十
六疋織金大紅錦手巾一副王妃紵絲紗羅共八疋及
其使人等各有差

阿丹

地瀕海近古俚國壘石為城砌羅股石為屋田肥收粟麥

民以富饒其他產亦多有馬步勝兵七千隣國畏之

皇明永樂九年 詔中使鄭和 賜命互市

賜蘭山

地在大海中多山而翠藍獨高抹天其海邊一盤石上有

巨人足跡長三丈許四季水不乾相傳為先世釋迦從

翠藍嶼來登此山足躡其迹云下有寺稱為釋迦佛涅槃

真身倒卧在寺亦有舍利子在其寢處俗氣候常暑

地豐米穀產寶水晶 皇明永樂己丑遣中官鄭和

奉 勅賚金銀供器及綵粧織金寶幡布施于寺及建

石碑賞 賜國王頭目等始其國王亞列若奈兒鎖
人負固不服謀害舟師和以兵擊破之俘其王辛卯獻
闕下尋宥之遣王歸國壬辰封耶巴乃那為王自是西
夷畏服 正統十年遣其臣耶巴刺謨的里啞等來朝
貢珍寶石 宣德八年遣使朝貢 賜王紵絲十八疋
紗四疋王妃紵絲八疋紗四疋及其使臣等各有差
天順三年國王葛力生夏刺普利把交刺惹復遣使朝
貢金陵靜海寺藏有佛寶來自西方每歲今特出獻佛
堂上祝云亦鄭和所取

百花

在海中依山為國俗饒富尚釋教產紅猴龜筒玳瑁孔雀
倒掛胡椒 皇明洪武戊午國王刺丁刺者望沙亦遣
臣八智亞壇等奉金葉表來朝貢

白葛達

海中一小國王瘡俗尚佛 皇明宣德壬子國王遣其臣
和者里一里等入貢

古里班卒

地在海中土瘠穀少物產甚薄 皇明永樂三年國王遣

人馬的等來朝貢又有木骨都來國瀕海堆石為城壘
石為屋物產最多連境有卜刺哇國有竹步國其酋長
俱入貢又有刺撒國自古里國舟行順風二十晝夜可
至俗淳厚喪葬有禮有事禱于鬼神其酋長亦入貢

碟里

地在西南海中大洲上有諸港可通海產蘇木烏木人淳
少訟尚佛 皇明永樂三年國王遣使馬黑木等來朝
貢

打回回

海外小國產蘇木胡椒 皇明永樂三年遣使麻勿等來

朝貢

淡巴

地在西南海中君臣頗有成儀畜產城屋亦備市有交易
野無寇盜稱樂土云 皇明洪武十年遣人來朝貢
賜玉織金綵段紗羅及其使臣等有差

亦思把罕甘

地在西南海中最大物產豐俗朴厚尚佛畏刑喜施惡奪
亦有中國人寓焉 皇明永樂中遣使四十人來朝貢

忽魯謨斯

地在西南海中亦名城石屋自古里國東南行二十五日
可到民富饒產大馬西洋布獅子駝鷄福祿羚羊長角
馬哈獸上下皆回回教門喜作佛事常歌舞惡殺 皇
明永樂三年國王遣臣馬刺足等來朝貢

阿魯

一名啞魯在西南海中與九洲山相望 皇明永樂丁亥
國王速魯唐忽先遣臣滿刺哈三附古俚諸國朝貢
朝廷遣中官至其國賜以紵絲紗羅共十疋

丁八朝我大必闍赤赴算彈

華言國主也

告變算彈籍我金

銀田產妻孥又欲殺我我詭亂得免今算彈兄弟五人
皆聚加一之地議與俱藍交兵此間諸國皆有降心若
馬八兒既下我使人持書招之可使盡降廷璧還以間
卽遣以廷璧獨往十九年抵俱藍國主及其相馬合等
迎拜璽書隨遣使入貢俱藍既下餘諸國曰馬八兒曰
須門那曰僧急里曰南無力曰馬蘭丹曰那旺曰丁呵
兒曰來來曰急蘭亦解曰蘇木都刺皆遣使貢方物二
十二年秋八月使往馬八兒國來奇貨寶

右馬八兒諸國因元史所載筆之其沿革土風物產
歷代朝貢俱不可考 本朝亦無

西南夷別錄

皇明永樂七年太監鄭和等往占城瓜哇滿刺加蘇門答
刺錫蘭山小暎喃柯枝古里等國 開讀賞賜至九年
回京 十年少監楊勅等往榜葛刺等國 開讀賞賜
至 十二年回京 十三年太監鄭和等往榜葛刺諸
番直抵忽魯謨斯等國 開讀賞賜至 十六年回京
宣德六年太監鄭和等往諸番直抵忽魯謨斯等國

開讀賞賜至 宣德八年回京今將受 詔諸國不入
職方者附錄于後

龍牙犀角

其地內平而外尖民皆蟻附而居之氣候常熱田禾勤熟
俗尚淳厚男女椎髻圍麻逸布穿短衫以親戚尊長為
重一日不見則携酒持肴問安煮海為鹽釀秫為酒地
產沉速降直黃熟香鶴頂蜂蜜砂糖貨用土印布八都
刺布青白磁器之屬

龍涎嶼

此嶼浮滌海面波擊雲騰每至春間羣龍來集於上交戲而遺涎沫畚人乃架獨木舟登嶼採取而歸設遇風波則人俱下海一手揖水而至岸也其龍涎初若脂膠黑黃色頗有魚鱉之氣久則成大塊或大魚腹中剖出若斗大圓珠亦覺魚鱉間焚之其香清遠可愛貨於蘇門之市價亦非輕官秤一兩用彼國金錢十二箇一斤該金錢一百九十二箇准中國銅錢四萬九千文尤其貴也

龍牙門

在三佛齊之西北

山門相對若龍角狀中通過船山塗田瘠米穀甚厚氣候常熱四五月間淫南男女椎髻穿短衫圍稍布擔掠為豪遇有畚船則駕小船百隻迎敵數日若得順風僥倖而脫否則被其截劫泛海之客宜當謹防

吉里地悶

居連迦羅之東滿山茂林皆檀香樹無別產馬頭商販聚十二所有首長田肥穀盛氣候朝熱暮寒凡商舶染病十死八九蓋其地多瘴氣男女斷髮穿短衫貨用金錢鐵器磁器之屬

假里馬丁

與交欄山相望海洋中

其地山列翠屏溪田雖有米穀少收氣候常熱俗甚囂薄
男女髡髮竹布為衣種芭蕉採其實以代糧煮海為鹽
釀蔗為酒地產玳瑁羖羊貨用爪哇布燒珠印布之屬

竹步

村居寥落地僻西方城垣石壘屋砌高堆風俗少淳草木
不生男女棒髮出以布兜山荒地廣雨多無霖紋車深
井捕網魚海地產獅子金錢豹馳鷄有六七尺高者龍
涎乳香金珀貨用土珠色段色絹金銀磁器胡椒米穀

之屬

卜刺哇

傍海為國居民聚落地廣斥鹵有鹽池投以樹枝良久撈
起結成白鹽食用不藉耕種捕魚為業男女棒髮穿短
衫圍稍布婦女兩耳帶金錢纓絡頂帶惟有葱蒜無瓜
茄風俗頗淳居屋壘石高起三五層地產馬哈獸花福
祿豹麂犀牛沒藥乳香龍涎香象牙駱駝貨用金銀段
絹米豆磁器之屬

啞魯

自滿刺加國開船好風行四晝夜可到有淡水港一條人
港到國其國南是大山北是大海西是蘇門塔刺國界
東有平地堪種稻穀米粒細小糧食頗有民以耕種為
業風俗淳朴國語婚喪等事皆與瓜哇相同貨用稀少
棉布名考泥泥并米穀牛羊鷄鴨甚廣乳酪多有賣者
其國王國人皆是回回人山林中出一等飛虎如猫之
大遍身毛灰色有肉翅如蝙蝠但前足肉翅生連後足
能走能飛不遠人有獲者不服家食即死土產黃連香
金銀香之類乃小邦也

那哈

卽蘇門答刺師古須又達那國是也其處乃西洋之總路
頭船自滿刺國向西南好風行五晝夜先到濱海一村
地名荅魯蠻繫船往東南十餘里可到其國無城郭有
一大溪淡水流於海一日二次潮水長落其海口浪
大常有船投其國南去有百里之遠是大深山沒北是
大海東亦是大山至阿魯國界正西邊海山連小國二
處先至那孤兒王界後至黎代王界那孤兒卽花面國
風俗器用俱見前

黎代

黎代又在那孤兒王地界之西其處南是大山北臨巨海
 西連淳里國為界國民一二十家自推一人為王以主
 其事屬蘇門答刺國所管土無所產語言動用俱與蘇
 門相同山有野犀牛至多王亦差人捕獲隨蘇門進貢
 南淳里

自蘇門答刺往西好風行晝夜可到其國邊海人民止有
 千餘家皆是回回人王居房屋用大木高三四丈如樓
 起造樓下並不裝飾縱放牛羊牲畜于其內止將樓上

四圍以板拆落甚潔坐卧食處皆在其上民居之屋與
 蘇門同黃牛水牛山羊鷄鴨皆有蔬菜皆少魚蝦至賤
 米穀當錢使用山產降真香名蓮花降此處最好亦有
 犀牛國之西北海內有一大平頂峻山半日可到名帽
 山山西大海正是西洋也番名刺沒嚟洋西來過洋船
 隻俱投此山為准其山邊二丈上下海水内生海樹被
 人撈取為寶物貨賣即黑珊瑚也其樹大者高二三尺
 根頭有大拇指大如墨之黑似玉石之溫潤稍有極枝
 婆婆可愛根頭大處可碾為數珠其帽山脚下亦有居

人二三十家各皆自稱為王若問伊姓名則曰阿孤喇
揲我便是王或問其次曰阿孤刺香我亦是王甚可笑
也其處屬南淳里國所轄其南淳里王將降香等物進
於中國

錫蘭并裸形國

自南淳山開洋好風行三日見翠藍山在海中其山四五
座惟一山最大番名按篤蠻山彼處之人巢居穴處男
子赤體皆無寸衣如獸畜之形士不出禾惟食山芋波
羅密菓芭蕉子之類或入海捕魚鮫等物而食人傳云

若有寸布在身卽生爛瘡昔釋迦佛過海於此登岸脫
衣入水澡浴被人偷藏其衣被釋迦佛誓以此至今人
莫能穿衣服俗言出外嶼卽此地過此山投西船也行
七八日見鶯哥嘴山再三二日至佛堂山纔到錫蘭國
馬頭名羅里泊船登岸海邊山脚光石上有一足跡長
二尺許云釋迦自翠藍山岸脚踏其跡存焉中有淺水
不乾人皆以手蘸其水拭面目曰佛水清淨左有佛寺
內有釋迦佛混身側卧尚存不朽其寢坐用各色寶石
裝嵌沉香水為之甚華麗及其佛牙并活舍利子等物

在堂其釋迦佛涅槃正此處也去此四五十里纔到王
居之處國王係鎖里人崇信佛教尊敬象牛人將牛糞
燒灰遍搽其體不敢食牛止食其乳如有牛死卽埋之
若私宰者王法罪死或納牛頭大金以贖其罪王居之
址并大家小戶每日侵晨先將牛糞用水調稀遍塗屋
下地面然後拜佛則兩手直舒于前兩腿直伸于後胃
腹皆着於地而拜近有一大山侵雲高聳山頂有人右
脚跡一箇入深三尺許長八尺餘云是人祖阿時聖人
卽盤古之足跡也此山出青紅黃牙烏青米藍石昔喇

泥窟沒盤等一應寶石是人祖眼淚結成信然其海中
有雪白浮沙一片日照其沙光彩激灑曰有珍珠螺蚌
聚集其上王置一珠池二三年一次今人取螺蚌傾人
珠池內作爛差人看守水淘珠出納官亦有竊取而賣
者其國地廣人稠亞於爪哇民俗富饒男子上身赤膊
圍絲布手巾加以壓腰髮鬚并滿身毫毛皆剃去淨止
鬻其髮用白布纏頭如有父母死亡者其毫毛卽不剃
去以此爲孝禮女人髻縮腦後不圍白布其新生小兒
則剃頭女則腦後不剃就養至長人無酥油牛乳不食

其飯若人欲喫飯則於暗處潛食不令人見栴柳菓葉
不絕其口所食米穀豆蔴皆有惟無麥麵椰子至多酒
油糖飯皆將此物做造而食用之人死則火化埋骨其
喪家娶親隣之婦都將兩手齊拍胃乳而叫喚哭泣為
禮其芭蕉子波羅密甘蔗等菓皆有瓜茄蘇菜牛羊鷄
鴨亦有王以金為錢通行使用每箇重一分六釐中國
麝香紵絲色絹青磁盤碗銅錢樟腦甚喜則將寶石珍
珠換易王着人齎寶石等隨同回洋寶船進奉 朝廷

小葛蘭

自錫蘭國馬頭到羅里船開往西北好風行六晝夜到小
葛蘭國其國邊海東連大山西是大海國王國人皆鎖
俚崇信佛教尊敬象牛婚姻等事與錫蘭同土產蘇木
胡椒不多其菓菜之類皆有牛羊頗異羊青毛脚高二
三尺黃牛有三百觔者人日食二食皆用蘇油拌飯而
食市使金雖係小邦亦將方物差人進貢

溜山

自蘇門答刺國開船過帽山投西南船行好風十餘日可
到其國番名牒幹無城郭倚山聚居而歇四圍皆海地

方不廣國之西去程途不等海中天生石門如城關溜
加加溜舟都里溜官嶼溜此八處皆有所主而通商船
再有小窄之溜傳云三千里有餘所謂弱水三千正在
此處也其國之人巢居穴處不識米穀但捕魚鰕而食
不解穿衣以樹皮遮其前後設遇風雨不順舟師失其
船舵過其溜落瀉水漸無力而沉大槩行船謹防此也
牒幹國王頭目民庶皆是回回人風俗淳美所行悉尊
教門規矩人多以魚為生種椰子樹為業男女體貌微
黑男子白布纏頭下圍手巾婦人上穿短衫下以濶大

手巾圍之

過頭蓋覆止露其面婚喪之禮悉

依教門而行土產降香不多椰子甚廣以外包之穰打
成繩索賣與造船等用其造番船不用一釘止鑽其竅
皆以此索聯縛加以木楔然後以番瀝青塗之龍涎香
其漁者常於溜礁上採得如水浸瀝青之樣嗅之無香
火燒腥氣價高貴以銀對易海貳被人採積如山卷爛
其肉轉賣暹羅等國當錢使用馬鮫魚切成手臂大塊
淡晒極乾倉屋收貯名溜魚賣與他國絲嵌手巾其細
密絕勝他處又一等織金手帕男子纏頭可用其價賣

銀五兩之貴氣候常熱如夏土瘦米少無麥蔬菜不廣
牛羊鷄鴨皆有餘無所出亦以銀鑄錢使用中國亦往
彼國收買龍涎香椰子等物

祖法兒

自古里開船投西北行十晝夜可到其國邊海倚山無城
郭東南大海西北重山國王國民皆回回教門人體長
大貌偉言語質朴五者之飾以白細布纏頭身穿青花
如絹紬嵌圓領或金錦衣袍足着靴或淺面皮鞋出入
乘轎騎馬前後擁列象駝馬隊及刀牌手吹篳篥噴吶

簇擁而行民下所服冠衣纏頭長衣脚穿皮鞋如遇禮
拜日上半日市絕交易長幼男子皆沐了即將薔薇露
或沉香油搽其面纔穿齊整新衣又以小玉鑪燒沉檀
唵兒兒香立於其上薰其衣體纔往禮拜悉遵教規而
行土產乳香其香乃樹脂也其樹似榆而葉尖長被人
研樹取香而賣中國寶船到彼開讀賞賜畢王差頭目
遍諭國人皆將其乳香并血竭蘆薈沒藥安息香酥合
油木鱉子之類來易換其紵絲磁器等物此處氣候常
如七八月不冷米麥豆粟黍稷麻穀及諸船菜蔬瓜茄

續文獻通考卷之二百三十六
牛羊馬驢猫犬鷄鴨皆有山中亦出駝鷄土人捕捉來
賣其駝鷄身匾頸長如鶴高三四尺足指每脚上有二
指毛如駱駝喫豆米等物行似駱駝單峯雙峯俱有人
皆騎坐街市殺賣其肉王以金鑄錢名倘伽每箇重三
錢零用此錢王亦差顏目齋乳香駝鷄等物進貢

續文獻通考卷之二百三十六

